



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

5. Romani Pontificis &c. Bulla contra Hibernicos Prælatos qui Lambertum  
Symnell prætensum de jure, de Facto in Regem coronarunt: anno 1488.

---

[urn:nbn:de:hbz:466:1-74452](#)

ANNO  
1488.V.  
Ex. Arch.  
Angl. Rime:  
Tom. XII.  
pag. 332.

Bulla contra Hibernicos Prælatos qui Lambertum Symnell prætempsum de jure, de Facto in Regem coronarunt: anno 1488.

## INNOCENTIUS EPISCOPUS.

Servus Servorum Dei, Venerabilibus Fratribus Casselensi, & Tuamensi Archiepiscopis, ac Clochorensi, & Ossoriensi Episcopis, salutem & Apostolicam Benedictionem.

**R**omani Pontificis prævidentia circumspeta ad ea libenter intendit, per qua exel-fus & crimina per Ecclesiasticas personas præfertim Pontificali dignitate prædictas, quæ omni debent carcere macula vitiorum & alios eorum bonis operibus & exemplis ad bene vivendum & suis Principibus obediendum inducere & à rebellionibus ac seditionibus præcavere, debitè puniantur, ut alii, hujusmodi exemplo ducti, à similibus de cetero studeant abstinere. Nuper siquidem ad nostrum non sine maxima animi nostri perturbatione pervenit auditum, quod Venerabiles Fratres nostri Octavianus Arnachanensis, & Valterius Dublinensis, Archiepiscopi, ac Johannes Midenis & Modernus Darenensis Episcopi, nescitur quo Spiritu, nisi maligno, ducti, monitionibus, mandatis, & inhibitionibus per nos contra novos tumultus in Regno Angliae moventes, seu moveari facientes, aut paci, & tranquillitati dicti Regni contravenientes, nec non carissimo filio nostro Henrico ejusdem Regni Regi illustri & Hiberniae Domino inobedientes sibiique Rebels, factis, ac Sententiis, Censuris, & pœnis contra eos promulgatis, contemptis, proprio postergato honore, Deique Timore postposito Hostibus & Rebellenbus præfati Regis adhaerere, ac opem consilium, auxilium & favorem præstare non erubuerunt, quinimo, quod pejus & abominabilius est, ad magis perturbandum quietem & tranquillitatem dicti Regni quemdam puerum, de illegitimo thoro natum, & quem Filium quandam Ducis clarentiae fore falso consingebant, in ipsius Regni Regem ausu temerario quamvis de facto exerunt & coronarunt, quem præfatus Rex, Victoria potius jam in manibus suis habuit, Crimen læse Majestatis committendo, nec non sententias censuras, & pœnas prædictas damnabiliter incurrendo, in non modicum ejusdem Regis præjudicium, & detrimentum, pacis & quietis Regni & sui Dominii Hiberniae prædictorum perturbationem animarum suarum periculum, dignitatis Pontificalis opprobrium perniciosum quoque exemplum & scandalum plurimorum. Nos igitur, volentes desuper, antequam majora scandala sequantur, prout ex debito Pastoralis tenemur Officii, debitè providere, & eosdem Archiepiscopos, & Episcopos, juxta suorum

exigentiam demeritorum comperta veritate punire.

ANNO  
1488.

Fraternitati vestræ, de qua in his & aliis speciale in Domino fiduciam obtinemus, per Apostolica scripta committimus & mandamus, quatinus vos, vel duo vestrum per vosmetiplos, de premissis omnibus auctoritate nostra vos secrete diligenter informetis & inquiratis. Et quicquid desuper comperitis, id totum nobis per processum vestrum, vestris, vel duorum vestrum sigillis signatum, ad nos per proprium nuncium quicunq; quantocius destinabitis fideliter significare curabitis. Ut exinde, omnibus diligenter examinatis, de Consilio fratrum nostrorum sanctæ Romanae Ecclesie Cardinalium secundum Canones & Decreta Sanctorum Patrum contra eosdem Archiepiscopos & Episcopos debitè procedere possimus. Super quibus omnibus & singulis vobis, quoad hoc, plenam, liberam, & omnimodam harum serie concedimus facultatem. Non obstanti bus Apostolicis, nec non in provincialibus, & Synodalibus Conciliis editis generalibus, vel specialibus constitutionibus & ordinationibus ceterisque contrariis quibuscumque. Vos autem in hujusmodi negotio ita accurate, diligenter, fideliter & prudenter, prout de vobis confidimus vos gerere studeatis, quod apud nos, & hanc sanctam sedem non immerito possitis commendari.

Datum Romæ apud Sanctum Petrum, Anno Incarnationis Dominicæ millesimo quadragesimo septimo, non. Januarii, Pontificatus nostri anno quarto.